



বলেছিলেন, “স্কুলের সবাই যাচ্ছে, আমি কি ঘরে বসে থাকতে পারি? আমি প্রয়োজনে শহীদ হব”। একথা বলে তিনি মিছিলে যোগ দিতে উপজেলা সদরে চলে যান। সেদিন প্রিয় সন্তানের অমূল্য প্রাণ সংশয়ের কথা ভেবে ফ্যাসিস্ট সরকারের অন্যায়ের বিরুদ্ধে বুকের মানিকের এমন দেজদীপ্ত হৃৎকার হৃদয়ের মণিকোঠায় গর্বের সঞ্চার করে। পথিমধ্যে মাহিম ও তার দল ঘাতক পুলিশের বাধার মুখে পড়ে। পুলিশের বাঁধার মুখে বন্ধুদের রেখে কুষ্টিয়ার উদ্দেশ্যে বাসে উঠেন। পাশের উপজেলা কুমারখালীতে গিয়ে বাস থেকে নেমে সেখানেই আন্দোলনে যোগ দেন। এসময় তিনি পুলিশের ছোঁড়া মুহুরুহু কাঁদানে গ্যাসের মধ্যে পড়েন। অকস্মাৎ এমন পরিস্থিতিতে তিনি গুরুতর আহত হয়ে পড়েন। ইতিমধ্যে সদর এলাকা ছাত্র জনতা ও ঘাতক পুলিশ, আওয়ামী সন্ত্রাসীদের ত্রিমুখী সংঘর্ষে রণক্ষেত্রে পরিণত হয়। এহেন পরিস্থিতিতে গুরুতর আহত মাহিমকে উদ্ধার করা খুবই দুরূহ হয়ে পড়ে। কঠিন প্রতিবন্ধকতা উপেক্ষা স্থানীয় কয়েকজন নারী তাকে উদ্ধার করে প্রাথমিক চিকিৎসা শেষে নিরাপদে বাড়িতে ফেরার ব্যবস্থা করেন। বাড়িতে আসার পর তার শরীর ও মুখে জ্বালা যন্ত্রণা আরও বাড়তে থাকে। ১৭ আগস্ট তিনি সকাল থেকে প্রচণ্ড জ্বর ও শ্বাসকষ্টে আক্রান্ত হন। ১৯ তারিখ শারীরিক অবস্থার অবনতি হলে তাকে প্রথমে উপজেলা স্বাস্থ্য কমপ্লেক্স ও পরে কুষ্টিয়া সদর হাসপাতালে নিয়ে যাওয়া হয়। সেখানে চিকিৎসাধীন অবস্থায় পরদিন সকাল ৭.০০ টায় মারা যায়। শহীদ মাহিম হোসেনের মরদেহ বিকেলে গ্রামের বাড়ি পৌঁছালে বাড়ির পাশে ইয়াকুব আহমদ হাই স্কুলে জানাজা শেষে চাঁদট কবরস্থানে তাঁকে চির নিদ্রায় শায়িত করা হয়।

বন্ধ হয়ে যায় সকল চাওয়া, সকল আবদার। আর কেউ বলবে না আমাদের খেলার বল কিনে দাও। বাবা মা হারালেন কিশোর বয়সী এই দূরন্ত ছেলেকে। পারিবারিক অবস্থা

মাহিম হোসেনের বাবা টাইলস মিস্ত্রীর কাজ করেন। এ কাজ করেই সংসারের খরচ ও সন্তানের পড়ালেখা খরচ চালাতেন। নিজস্ব জমি না থাকায় সরকারের গৃহায়ন প্রকল্পের অধীনে একটি সরকারী ঘরে থাকেন।

শহীদ সম্পর্কে নিকটাত্মীয়ের অনুভূতি

শহীদের চাচা চাঁদ আলী মোল্লা বলেন, “সে অনেক মেধাবী ছিল। আমার অজান্তেই সে আন্দোলনে যোগ দিয়েছে।” মাহিমের ফুফু মোসা: হালিমা খাতুন বলেন, “মাহিমকে আমরা কোলে পিঠে করে মানুষ করেছি। বিভিন্ন সময় আমাদের কাছে অনেক কিছু আবদার করেছে। অনেক সময় আবদার পূরণ করতে পেরেছি আবার অনেক সময় পারিনি। তাকে হারিয়ে আমরা অনেক গুণ্যতা অনুভব করছি। এ গুণ্যতা পূরণ করা অসম্ভব।”

এক নজরে শহীদ পরিচিতিনাম : মো: মাহিম হোসেন

জন্ম : ৩০-১০-২০০৮

পিতা : মো: ইব্রাহিম, টাইলস মিস্ত্রি-৪২ বছর

মাতা : মোসা: রেহেনা খাতুন, গৃহিনী-৩৬ বছর

পেশা : স্যানিটারি দোকানে কাজ করতেন

শিক্ষা : ছাত্র, দশম শ্রেণি, চাঁদট মাধ্যমিক বিদ্যালয়

স্থায়ী ঠিকানা : গ্রাম: বামন পাড়া, ইউনিয়ন: বেতবাড়িয়া, থানা: খোকসা, জেলা: কুষ্টিয়া

আহত হওয়ার সময় : ০৪ আগস্ট, ২০২৪, দুপুর ১২.৩০টা

ঘটনার স্থান : কুমার খালি বাস স্ট্যান্ড, কুষ্টিয়া

শাহাদাত : ২০ আগস্ট, ২০২৪, সকাল ৭.০০টা, কুষ্টিয়া সদর হাসপাতাল

আক্রমণকারী : সৈরাচারী সরকারে যাত্রাবাড়ীর ঘাতক পুলিশ বাহিনী (কাঁদানে গ্যাস)

কবরস্থান : চাঁদট গৌরস্থান

সহোদর : নাসিম, ১২ বছর, বামন পাড়া সরকারি প্রাথমিক বিদ্যালয়, ৫ম শ্রেণি

: নিয়ামুল, ৮ বছর, বামন পাড়া সরকারি প্রাথমিক বিদ্যালয়, ২য় শ্রেণি

পরামর্শ

১। একটি দুঃখজাত গাভী ক্রয় করে দেয়া যেতে পারে

২। ছোট ভাইদের পড়ালেখার সম্পূর্ণ খরচের ব্যবস্থা করা

৩। এককালীন অনুদান ও নিয়মিত মাসিক ভাতার ব্যবস্থা করা